

4
DISSERTATIO MEDICA

INAUGURALIS,

DE

EXERCITATIONE:

QUAM

ANNUENTE SUMMO NUMINE,

Ex Auctoritate Reverendi admodum Viri

D. JOANNIS GOWDIE,
ACADEMIAE EDINBURGENAE PRAEFECTI;

NEC NON

Amplissimi SENATUS ACADEMICI consensu,

Et nobilissimae FACULTATIS MEDICAE decreto;

PRO GRADU DOCTORATUS,

SUMMISQUE IN MEDICINA HONORIBUS ET PRIVILEGIIS RITE
ET LEGITIME CONSEQUENDIS, ERUDITORUM
EXAMINI SUBJICIT

ROBERTUS DOLMAN, ANGLO-BRITANNUS;

Ad diem decimum Junii, horâ locoque solitis.

—————*Tu pulmentaria quaere*
Sudando. —————

HORAT.

EDINBURGI,

Apud G. GORDON, C. WRIGHT, S. WILLISON,
et J. BRUCE.

M. DCC. LV.



Digitized by the Internet Archive
in 2019 with funding from
Wellcome Library

<https://archive.org/details/b30784621>

ROBERTO DOLMAN

DE POCKLINGTON,

ARMIGERO;

PATRI OPTIMO:

NEC NON

GULIELMO BRIGHAM

DE BRIGHAM,

ARMIGERO;

Avunculo plurimum honorando,

Patris vice confiliis faluberrimis,

Liberalitate summâ, fungenti:

NEC

N E C N O N

Viro verè erudito

JOHANNI BURTON,

M. D.

Ingenio, doctrinâ, moribus, Insigni,

Penitissimâ artis peritiâ,

Obstetricandi munus apud

Æboracenses, summo cum

Solamine, exercenti ;

Aeque ac propter eam,

Quâ me semper amplexus est,

Benevolentiam ;

Studiorum hæc primitias,

Eo, quo par est, obsequio,

D. D. C. Q.

ROBERTUS DOLMAN, Anglo-Britannus.

DISSERTATIO MEDICA

INAUGURALIS,

DE

EXERCITATIONE.

CORPUS humanum quot mala circumstant, quamvis omnes obiter agnoscant, pauci tamen seriò perpendunt; numinis autem sapientia ad haec vel praecavenda vel tollenda, insigne hominum generi auxilium submonstravit, nobilissimum, scilicet, et utilissimum simul medicorum genus excitando, qui, observatis hominum ingenio et naturâ, virtutibus etiam multarum rerum quæ corpus humanum adficient, medicinam

B excogitârunt,

excogitârunt, quâ sanitati conservandae confulerent, periclitanti subvenirent, et amiffam recuperarent. In re medicâ ergo quicumque vel paululum verfatus fuerit, naturamque humanam in animo diligenter perpenderit, nihil ad sanitatem tuendam, animumve alacrem in corpore fano custodiendum, EXERCITATIONE aptius inveniet ; quare Medici nomen et munus mihi proponens, cum moris fit thema aliquod publicè tractare, de arte gymnasticâ quaedam proferre potiffimum duxi.

QUI historiam medicinae fcripfere, originem hujus gymnasticae artis ad Herodicum, celeberrimi Hippocratis praeceptorem, referunt, qui felicem exercitationis fructum quotidie observans, hanc quodammodo ut artem stabilivit, quâ fanitas laefa recuperari et praefens confirmari poffet ; et Hippocrates, humani corporis naturae observator fagaciffimus, praecepta

pta magistri fui excoluisse videtur: fatendum tamen est inter auctores de prima artis hujus saluberrimae origine non convenisse.

QUOCUNQUE verò tempore ars gymnastica inventa fuerit, brevi adeo se commendaverat, ut per totam Graeciam publica gymnasia, non solum rebus bellicis, sed etiam morborum curationi inservientia, exstructa sint. Cicero affirmat, gymnasia delectationis et exercitationis gratiâ, à Graecis primò instituta fuisse, Graecosque ex Homeri scriptis passim, caestu jaculoque, &c. usos fuisse constat.

MEDICI etiam Athenis et Lacedaemone, morbis per plurimis laborantibus corporis exercitium commendârunt: et Zenophon hanc medicinae speciem apud Persas in honore fuisse, nos certiores facit. Haecce autem ars gymnasti-

ca fanitati promovendae quantumvis utilis, diu tamen à medicis penè neglecta jacuit, donec Sydenhamus fidus pristinam laudem usumque ei restituit. Sed, variorum populorum et medicorum testimoniis de hac re omissis, dux ipsa natura et rerum moderatrix nobis exercendi necessitatem demonstrat, eâ scilicet, quâ omnes imbuit, ad agendum proclivitate à tenerrimis etiam annis, eâque, quâ priscos et rudes mortales devinxit, agendi necessitudine. Antiquissimis enim temporibus, ubi nulla ars, nulla medicina agnoscebatur, non nisi exercitatione, arbuteos foetus montanaque fraga legebant; non nisi exercitatione, se vestiebant pellibus exuviisque ferarum; non nisi exercitatione, incertam venerem rapiebant: et, post artes inventas, vitamque excultam, pleraque artificia, quibus homines victum quaerunt, exercitatione peraguntur.

CUM

CUM corpus humanum ex solidis, fluidis, tubis glandulisque mirum in modum intertextum sit, ad hanc machinam conservandam primo aspectu exercitatio necessaria apparet. Succi animales ut terantur, misceantur, digerantur aut secernantur, corpus agitari, et huc atque illuc moveri, necesse est; exercitatio enim humores in canales proprios conjicit, redundantia et inutilia expellit, et naturam in suis occultis distributionibus adjuvat, sine quibus neque corpus vigeret, nec animus valeret.

“ * SI quis igitur veram corporis imaginem sibi fingere velit, is, machinam quandam hydraulicam summo artificio constructam, in qua sint innumeri canales humoribus diversi generis ferendis apti
“ et

* *Mead. Monita*, pag. I.

“ et accommodati, animo concipere debet.
“ Horum praecipuus est sanguis, ex quo li-
“ quores derivantur variis vitae nostrae usi-
“ bus et officiis inservientes ; in primis autem
“ ille, quem spiritus animales vocant, qui in
“ cerebro generati, et vi insigniter elasticâ,
“ motûs omnis ac sensûs sunt instrumenta,
“ quorum neutrum efficere possent, nisi ma-
“ teriae accommodae inhaererent ; idcirco
“ fibras duplicis generis, cùm carneas, tum
“ nervosas, actuosi hujus principii recepta-
“ cula formavit divinus rerum conditor:
“ quarum utraeque partim membranis cor-
“ poris intertextae sunt, partim in funiculos
“ colligatae membris adhaerent, ad horum
“ motiones offium adjumento peragendas.”
Paucis ergo videamus quatenus machina hu-
mana ad motus varios edendos adaptetur.

HAEC machina magna ex parte ex musculis, sive corporibus carneis tumentibus, ossibus infixis constat, quae è fibris striatis in fasciculos colligatis componuntur; fibrae rursus è vasis plurimis sanguiferis nervorumque filamentis formantur, tam minutis ut nisi ope microscopii oculos effugiant: muscoli autem cum fibris contractili vi pollent, ita ut contracti, eas corporis partes sibi invicem admoveant quibus adnectuntur; quae vis è spirituum animalium fibras nervosque permeantium virtute pendere videtur. -- Ad haec peragenda libera secretio succi nervosi esse oportet.

SUCCI nervosi praeparatio aequè à motu cordis ac à cerebri vel cerebelli actione pendet: motus ergo cordis et cerebri à se invicem pendere videtur; si enim cordis motus ab ulla causa vel paucis momentis subsistat, cerebri

bri actio adeo destruetur ut moriatur animal; è contrario, si discindas par vagum, aut vix ingenti cerebellum findas, tunc actio cordis paulo post cessabit; porro, si octavum par nervorum filo constringatur, motus hicce vitalis statim agere desinet, filo tamen laxato, vim pristinam resumet. De hujus ratione dubitare tum recentiores tum antiquiores, nec tamen enodârunt; nervos, musculos in motum deducere, nescio quâ vibratione vel tractatione, plures voluerunt. Hic autem effectus à fluidi cujusdam subtilissimi influxu in fibras musculares potiùs pendere videtur: sic saltem suadet experimentum Bellini. Nervus enim phrenicus digitis vix citiùs comprimitur quàm à motu desistat diaphragma; postea, verò, sublatâ pressione, motus suos consuetos renovare incipit; imò, si infra partem digitis compressam, deorsum emulgeatur nervus, diaphragma quoque in motum deducitur.

Quàm

Quàm autem necessarius sit motus corpori humano, hinc porrò patebit, nam quaelibet commutatio in corpore exhibita, vel ad solidorum texturam, aut fluidorum mixturam spectans, motûs est effectus.—Motu aut exercitio idoneo viget musculus, sanguis celeriter in fibras fluit refluitque, solida à fluidis, fluidaque contra à solidis admodum conteruntur, stimulantur; vasa in contractiones liquidi nervosi influxu coguntur, unde calor: eo sanguis paululum rarefactus est, canales dilatantur, secretiones magis liberae perficiuntur, eoque pacto, quodcunque obnoxium est, expellitur. Langrishius ingeniosus testatur, exercitium corpori adeo utile esse, ut, eo neglecto, nunquam sanitate fruatur. Praeterea quàm utile sit generi humano, ex rusticorum vita perspicuum est: agricola diluculo surgit, varia diei officia sibi invicem succedentia fortiter peragit, nunc quercum caedendo, nunc gramina demetendo; è contrario, qui vitam inter parietes clau-

sam degunt, rariùs prosperâ valetudine utuntur ; quod maximè ex vita textorum, aliorumve, qui eorum vitam imitantur, apparet ; his enim facies mirum in modum pallida est ; musculorum tendines rigidi, halitusque foetidissimus.—Natura inertîâ veluti languescit : ob exercitationis defectum stagnant humores, et, propriâ impeditâ secretionem, acriores redduntur ; sanguis fluxu adeo exili fertur, ut in vasis, praesertim ad corporis extrema, obstructions variae nascantur : unde ulcera circa talos, ex quibus tenuis et acris defluit humor qui omnes destruit partes vicinas : hincque gangraenae et mortificationes hos homines miserrimè infestant, eorumque tendines contracti et immobiles fiunt.

ACRIMONIA humorum vascula pulmonum tenuia eroduntur ; pus ichorosum tenue exinde formatur, quod in sanguinem resorptum

ptum febrem hecticam accendit : halitu porro aërem eundem centum forsitan in textrina texentium inspirant exspirantque, unde flumen vitale citò polluitur. Quod malum cum plerumque iis accidat, qui non idoneo exercentur motu, aut vitam degunt sedentariam ; contrà, qui sub dio vitam gnavam et laboriosam exercent, ab hoc malo maximè immunes sint ; liquidò apparet, quotidianam corporis exercitationem, qualis est gymnastica, vitam quàm diutissime prorogaturam.

HISCE de exercitationis origine et necessitate praemissis, nunc de variis ejus generibus et effectibus pauca differere lubet. Veteres sese pluribus ludis et exercitiis quàm quae necessaria fuisse videntur, dediderunt, sanitati tametsi simul prospexerunt.

MULTAE

MULTAE exercitationes sanitati tuendae ad nostram aetatem pervenerunt, inter quas celebris illa mallei jactandi in primis memoranda venit; haec enim ferè omnes alias complectitur; thoracem dilatat; rivo vitae languenti per pulmones liberum meatum praebet; solidis nimium laxis ac debilitatis idoneam rigiditatem addit: viscera corroborat; obstructions submovet; perspirationem copiosam adducit: haec omnibus aegrotis leucophlegmaticae constitutionis apta videtur, dummodo ne vi vitae tunc temporis debiliore, maturius adhibeatur; nimio enim usu hujusce exercitationis, ni cautè ac ritè administretur, aeger ad ostia Ditis rapi poterit: hoc exercitii genus, vi vitae magnâ ex parte recuperatâ, adhiberi debet; si verò aegrotus crasis delicatioris, qui phthisi aliquot menses laboraverit, hoc modo se exerceret, quid inde sequeretur? Vasorum tenerorum tensione subitâ, vita
prorsus

prorsus extingueretur; hoc praxi quotidianâ confirmatur: plethoricae corporis temperiei mallei usus aequè ac priori vitandus; vasa enim pulmonis vel cerebri teneriora rumpi, vel adeo comprimi possunt, ut funesta inde eveniant.

QUANTUM tripudiatio cauta, sudorem copiosum adducendo, viscera percussionibus lenibus roborando, imo et spiritus exhilarando, ad sanitatem conducat, quivis ex morbo diuturniore revalescens satis percipit.

Sudorem copiosum adducendo.

EXPERIMENTIS constat, duobus corporibus collisis, calorem gigni, ac proinde, cum hoc tempore solida vehementiùs impellant fluida, calorem haud aspernandum, qui antea nullus fuit, excitari necesse est; hinc

hinc omnium humorum rarefactio; calore enim latiùs se expandunt, atque multo majore vi et velocitate propelluntur: hinc particulae tenuiores elementariae perspiratione evacuantur, eoque pacto quicquid nocivum fuit, secum eliminant: hoc, in curanda lue venerea, experiëntiâ patet; ope enim argenti vivi fluida adeo liquefcunt, ut sudore, ptyalifmo, alvi profluvio expellantur, unde aegro fanitas.

Viscera corroborando.

INTESTINIS ceterisque visceribus leviter concuffis, tonus eorum ac elasticitas renovatur, fanguis fortiùs in vasis fuis impellitur, denique fecretio nervofa acceleratur: peractâ faltatione, ruborem quendam per totam faciem diffundi cernimus; hinc colligere licet, fanguinem in leucophlegmaticis constitutionibus, capillaria penetrare, quae antea vix alio quàm
femicocto

semicocto quodam sanguine et lymphâ repleta fuere ; hydropicus etiam frictione leni atque motu haud parum levatur.

Spiritus exhilarando.

CORPORIS imbecillioris habitus, humoribus alienae naturae praepeditos, flaccescere necesse est ; at ubi particulae contaminatae, fricturâ et motu expelluntur, sanguis statum pristinum recuperare incipit, ac secretiones nervosae aptè et ritè suis officiis funguntur ; tunc illa hilaritas, tunc ille vigor animi, quo priùs fruebatur, succedit.

AEGROTANTI equitatio haud parum opitulatur ; hujus enim exercitationis praestantia vel inde satis liquet, quòd nullo alio liberiùs ac minore cum periculo uti potest. — Vegetatio lenis atque innoxia, sive equo, sive
curru,

curru, coeptâ tabe, in primis utilis videtur; equus maximè huic rei idoneus, ita enim caelo liberiore spirat aeger, imò et solida languida leniùs quassantur.

DEAMBULATIO, ut primùm convalescere coeperit, plurimum ad sanitatem confert, acriore scilicet stimulo languenti temperamento addito. Varia exercitationum genera hîc recensere sigillatim, supervacaneum foret, quippe quum primò memoratum, (mallei jactatio) disci, campanarum pulsationum, ponderumque plumbeorum manibus huc et illuc agitatorum, usum satis explicet: posterius, modum quo naturae magis debilitatae quàm ut haec ferre queat faciliùs ac leniùs subveniri possit, ostendit; quorum illud ei, qui pristinam valetudinem penitus recuperavit, convenit; singulas enim in horas majorem firmitatem, et agilitatem integram, ac robur musculare restituit;

stituit; hoc autem ei accommodatius, cui vires prostratae sunt, ac compages tenerior quàm ut ullum exercitii genus paulò violentius tutò ferre possit.

EXERCITATIO autem modica quantum valetudini conferat, optimè percipietur, si ad ea, quae hinc quietem prorsùs inertem, illinc motum violentiorem sequuntur, animum intenderimus. Quietem verò intelligo eam, quae motus tantùm voluntarios, non item actiones vitales et naturales, excludat; quales sunt cordis, pulmonum, vasorum sanguineorum, chylo-poieticorum, aliorumque ejusmodi viscerum, quae vitae immediatè sunt necessaria.

VISCERA haecce ubi motûs muscularis auxilio destituuntur, circulatio solâ cordis contractione per vascula capillaria impulsâ lan-

D

guescet;

guescet ; secretiones omnes impredientur ; sanguis humoribus tenuibus et vapidis cumulabitur, quique infunt globuli rubri, rarioris erunt crasis, et in eos, qui inferioris sunt ordinis, facilè solubiles, vel adeo expansiles, ut, è minimo quovis caloris aut motûs incremento, vasa disrumpere periclitentur : primarum etiam viarum actiones, ex succorum inertia qui ad concoquendum sunt necessarii, eundem languorem sentient ; aeger motum muscularem averfari incipiet ; debilitatis conscientia pusillanimus evadet ; vultus pallefcet, omnesque corporis partes laxae et fungosae devenient ; ventriculus et intestina flatu distendentur, et spasmis convellentur, juvenisque priùs robustus, ex inertia et motûs defectu, viri tantùm speciem retinens, in anum morbidam ac morosam, aut puerum inconstantem, mente et corpore debilem, desinet.

EXERCITATIONEM contrà violentiorem in corpore sano haec consequentur. Continuâ musculorum contractione venae intercurrentes vehementiùs agitabuntur, sanguinisque reditus in cor accelerabitur; cor etiam ad crebriores et violentiores contractiones stimulabitur; vasorum resistentia et reactio musculorum vicinorum auxilio augefcet; capillarium motus oscillatorii invalescent; majus fiet partium fluidarum dispendium, sanguinisque crassamentum magis arctabitur, et ipse sanguis magis incalescet; aucto constitutionis calore, sanguis omnesque secretiones acriores stimulantioresque evadent; primarum viarum actiones ex varia succorum natura fortiores erunt, et spirituum animalium secretiones liberiores. Unde solida firmabuntur, et tendentur, sanguisque lentorem phlogisticum capeffet, qui homines hoc modo affectos obstructionibus inflammatoriis et febribus subjicit;

aeger

aeger denique in omnia priori habitui contraria incidet. Quare ut illius exercitio aucto, sic hujus curatio exercitio diminuto perficienda est. Principio igitur in constitutione, inertia, evacuatione aut morbo debilitata, solidorum in fluida actio quàm maximè leniter augenda est ; et quum spirituum animalium sit defectus, ad motum muscularem peragendum, stimulus externus substituendus ; qualis est frictio lenis, (sciz. *Flesh Brush*) vestitatio in vehiculo commodo, &c. horum usu solida elatera suum paulatim recuperabunt, eoque aliquatenus sanguinis crassum spissabunt. Primarum etiam viarum actio motu facili roborabitur, et ad flatus uberiores comprimendos aptior reddetur, interimque, secretionibus omnibus ritè peractis, aeger paulatim pristinam ad agendum proclivitatem recipiet: cavendum tamen, sub curae initium, ne aeger exercitio violentiore aut diuturniore nimis calescat aut exhauriatur. Ita enim, vasis admodum

modum distensis, vasculorum lateralium orificia dilatarentur, ut grandiores globulos admitterent quàm quos ramuli eorum tenuiores transmittere possent ; et minor spirituum animalium copia exhauriretur, aegerque acutis doloribus per totum corpus afficeretur, nec tamen eam vitae vim haberet, quàm per febrim lenem ab iis sese expediret. Quare aegro ab immodico vel calore vel frigore cavendum, eaque medicamenta adhibenda, quae solida roborent, simulque quàm minimè fluida calefaciant : ideoque chalybeata lenia eccoproticis mista, cortex Peruvianus etiam, et dieta levis simul et nutriens, praecipienda.

UBI aeger hac ratione aliquatenus convaleuit, balneum frigidum commodissimè adhiberi potest. Exercitii genere mutato, equitatio, ambulatio, aliaque ingenii vegetioris exercitia similia succedant. — Dieta etiam augenda, isque victus adhibendus, qui indole roborantiore,

roborantiore, majus viribus animalibus auxilium praebeat. Observandum enim, quàm maximè proclive est, durum colonum aratro quotidie imminentem, ex carne bubula aut porcina, fale et fumo ad ligni ferè modum firmata, nutrimentum sanum, valetudinem et vigorem haurire ; cum victus lenis studiosi et sedentarii, aut foeminae urbanae delicatioris, vix ei, ad animi corporisque consortium conservandum, ut dicitur, sufficeret.

EXERCITATIO contrà nimis violenta, fibras rigidas adducendo, multa mala efficiet. Quare aeger hoc in casu ratione contrariâ tractandus est. Ei enim ab omni motu violentiori abstinendum ; victus indolis lenioris et emollientis adhibendus ; potu liberiore calido et diluenti utendum, et ab omni aut cibo aut potu, qui ad contractiones crebriores cor stimulet, cavendum ; simul etiam balneum calidum

lidum praecipendum, cujus effectus salutare, post itinera longa, aut exercitia intensiora, Veteribus penitus innotuere: namque, exercitio omisso, solida ex quiete minus fient rigida; cordis quoque actioni sanguinisque expansioni minus resistetur; iisdem effectibus obsecundabunt diluentia et emollientia, dum interim sanguinis particulas acriores diluent et obtundent; denique habitum ad laxitatem valetudini idoneam deducunt. E quibus perspicuum videtur, tum in motu, tum in quiete, quantum modus conducat ad valetudinem et vigorem conservandum.

AD aërem quod attinet, in quo exercendum sit, utile futurum est, ut pro varia constitutione varietur, quamvis in constitutionibus plerisque aër subfrigidus et aridus potior videatur. Ubi enim habitus est laxior, et sanguis crassi solutiore, levissimo quoque caloris

loris incremento sese dilatare et vasa disrum-
pere conabitur; cor etiam opprimendo, in
palpitationes molestas, anxietates intolerabiles,
et, nisi statim refrigeretur, in deliquia aegrum
conjiciet; quod mulieribus in spectaculis,
theatris, aut congressibus quibuscvis frequen-
tioribus, interdum accidere solet.

IN aëre tamen frigido, ab exercitio violen-
to, incommoda nonnunquam provenire pos-
sunt. Ut qui in glacie sese exercitantes, subi-
tò aliquando moribundi procumbunt. Quod
effici videtur ex resistentia nimia, quae sangui-
nis circulationi fit à vasculis exterioribus, quâ
interiora, cordis motu interim aucto, supra
modum distenduntur, donec teneriora quae-
dam cerebri vascula disrupta, ejus superficiem
aut ventriculos inundantia, apoplexiam pessi-
mam creent: quae ratio magis consentanea est,
quàm quae à quibusdam adducitur, nempe à
majore

maiore spirituum animalium dispendio, ex perspiratione nimium aucta, istud provenire; quod quantumvis magnum, effectus suos tamen non tam expeditos ostenderet, quàm qui in hujusmodi casibus obvenire solent.

UT denique aër subfrigidus ad fibras nimis debiles reficiendas, sic ad fibras nimis rigidas curandas, aër calidior et humescens aptior esse videtur.

F I N I S.

12 A 31037

to the ... of the ...
... of the ...
... of the ...
... of the ...
... of the ...

I ...
...
...
...

1 31037